

KLAUS IRMSCHER

S Ä N G E R | S O N G S C H R E I B E R

SCHALT AF

Klaus Irmischer 06/2019

Kümmt Bedienung rut? Mutt ik rin - oder wat?
Fief Minuten tööv ik glatt
De Sünn schient hell op Langeneß
Endlich rut ut'n Alldags-Stress!
„Ach, könnt Se mi den Schipper-Fohrplan wiesen?“
Dor böltk en Stimm ganz liesen:

(Refrain)

Schalt af! Laat de Tiet verswinn!
Schalt af! De See blinkt as Perlen inne Sünn
Schalt af! Laat de Oogen na'n Horizont griepen
Ünner blau-witt-vigelette Striepen
Schalt af! Schalt af! Schalt af! Schalt af!

En Runn mit'n Rad, oder rin inne Welln?
Oder laat ik mi mol glieks vertelln
Wat een hier allns so moken deit
Dat de Tiet man fix vergeiht?
„Ach könnt Se mi een WLAN-Hotspot wiesen?“
Dor böltk en Stimm ganz liesen:

Dör't Fenster seh'k nix as dat Meer
Ook dor, wo de Straat na'n Haben weer
Umme Warft rum nix as Seegebruus
Mann! Ik mutt doch hüüt na Huus!
„Ja gifft dat hier keen Helikopter-Fleeger?!“
„Man sachte!“ seggt de Kröger

„Schalt af! Ja nich to glööven!
Schalt af! Ja nu kannst dat Tööven ööven
Schalt af! Kumm mol fix vun dien Tietplan rünner!
Wat du so nich lehrst, dat lehrst bi Landünner!
Schalt af! ... „